

# INUIT ATAQATIGIIT

## INATSISARTUNI



UKA2021/109

3. november 2021

Charlotte Pike

**Imm. 33 Nersussuit puulukillu nujuitsut neqaannik ilivitsunik aamma  
affarnik nioqququtissat 1999-mi eqqussuinermi  
akitsuutaarutsinnejnarnerisa sunniutaannik nalilersuinermik  
Naalakkersuisut UKA2022-mi saqqummiussinissaat pillugu  
Inatsisartuni aalajangiiffigisassatut siunnersuut. Nalilersuinermi  
ilaatigut akitsuutaarutsitsinermi ataatsimut piffinnilu  
suliffissaqartitsinikkut sunniutit kiisalu neqinik igaannarianngorlugit  
sulianik eqqussuisarnermut sunniutit ilanngunneqassapput.  
Taamattaaq nalilersuinermi nunatsinni neqinik tunisassianik  
suliariinnittarneq annertunerulersinniarlugu eqqussuinermik  
killiliissutaasinaasut qulaajarnissaat ilaatinneqassaaq.**

(Inatsisartunut Ilaasortaq Mariane Paviaisen, Inuit Ataqatigiit)

Mariane Paviaisen Inuit Ataqatigiit aalajangiiffigisassatut siunnersuutaa qutsavigalugu Inuit Ataqatigiinnit ima oqaaseqarfingissavarput.

Nunatsinni inatsisitigut periarfissaareersoq atorluarnerulernissaa Mariane Paviaisen siunnersuuteqarpoq. Nersussuit aamma puulukit neqaat iluittuutilugit imaluunniit affaatillugit eqqussorneqartarneri akileraaruteqartitsinnginneq atuutilersimavoq 1999-mi. Maannamullu pisiniarfinni neqissaqarniarnermi qallersuutissaqartitsinermilu piareereerlugit qallunaat nunaanniit nunatsinnut tamakkiisumik eqqussorneqaannarsimapput, annertunerusumik nunatsinni nammineq suliarisarneri tamakkiisuunani.

Namminersuleriartornitsinni suliassat taakku isumagineqartalernissai suliffissaqartitsiniarnikkut iluatinnaateqqaat, takusinnaasatitummi

# INUIT ATAQATIGIIT

## INATSISARTUNI



suliffissaqartitsiniarnermi ingerlatsiviit 20-vit missaaniissinnaasut 1999-mili ilimagineqarput, ullumikkullu amerlanerunissai ilimanarluni.

Nersussuit puulukillu neqaannik ilivitsunik affarnilluunniit nunatsinni aggugassanik eqqussuineq ingerlanneqartoq ukiuni kingullerni annikilliartorsimavoq. Tamanna nalilersuivigineqartariaqalersimavoq suna iluatsissimannnginnersoq paasiniassagatsigu. Inatsip atuutilerneraniit ukiut siulliit ingerlaneranni iluatsittumik ingerlaqqaarsimariarluni annikilliartuinnarsimavoq. Taamaattumik Naalakkersuisut siunnersuut allannguutissatut siunnersuuteqarfigalugu siunissami akileraartarnikkut akitsuuteqarnikkullu aaqqissuussaaneq pillugu isumaliutigineqartunut atatillugu suliarineqarnissaat qulakkiissallugu.

Aalajangiiffigisassatut siunnersuut Naalakkersuisut tungaaninngaanniit nalilersuisoqarnissaa allannguutissatut siunnersuuteqarfigineqarpoq tamanna allannguutissatut siunnersuut Inuit Ataqatigiit tungaaninngaanniit akueralugu Ataatsimiititamut susassaqartumut suliassanngorlugu ingerlateqqipparput.